

漁



隱

錄

卷

之

一

記

橋中郎

此言不賣

願見秘書齋


年



漁

隱

錄



漁隱小圃記

楓橋之水從梁溪來過橋分支西南流別爲西塘又有橋名江邨其南則袁子又愷漁隱小圃在焉圃之先爲王岡齡居名江邨山齋岡齡師沈文愨公工小詩畫仿文待詔往往招集勝流名士作文字飲具見所刻西塘唱酬集中又愷之兄岡齡女夫也故是圃歸袁氏其宗人簡齋大令曾爲記又愷拓而新之入門貞節堂三楹後爲竹柏樓蓋節母韓太夫人撫孤居此竹柏

以況其節也樓旁有洗硯池池水湛碧芙蓉花
時香滿庭戶沿池徧植木芙蓉有徑達夢艸軒
傍柳陰駕橫石名柳汀倚由倚而入左爲繫舟
右爲水木清華榭再進爲五硯樓又愷嗜藏書
兼嗜硯獲硯五皆元明間表氏名人手澤故以
名樓登樓遠山出沒平疇如方罫可供吟眺樓
東楓江草堂南並草堂者小山叢桂館前有小
阜突起建吟暉亭於上亭下接稻香廊廊盡爲
銀籐籬西向最高者爲挹爽臺草堂之後栽牡

漁隱小圃記

丹芍藥名錦繡谷東則漢學居又愷著書之地
又愷窮經必本注疏也再後爲紅蕙山房鈕布
衣非石自洞庭山移紅蕙樹此故名凡十六景
而統謂之漁隱小圃蓋視罔齡在日固已勝矣
於是春秋佳日吳中勝流名士復命儔嘯侶來
無虛日而遠方賢士大夫過吳者拏舟造訪填
咽於江邨橋南北樽酒飛騰詩卷參互更非罔
齡所能逮矣憶庚午歲余從文愷公至此迄今
已五十年西塘唱酬卷中凡四十餘人無一存

者獨予齒危髮禿乃得乞身投老盤跚躑躅其
間以續文慙諸公之後且見夫亭榭之更新圖
書之美富賓朋之戩盍將與樂圃南園並美既
以志感又竊自幸也故因又愷之請記而敘其
大畧如此嘉慶己未春三月青浦七十六老人
王昶撰

五硯樓記

表子又愷向居金昌亭畔題其讀書之室曰三
硯齋予爲之題扁三硯皆其先世所詒一爲介

漁隱小圃記

三

隱先生物一爲謝湖草堂硯則尚之先生物一爲
列岫樓硯則永之先生物也丁巳歲青浦王侍
郎以所藏清容居士硯贈又愷錢唐奚鐵生爲
作歸硯圖一時侈爲嘉話未幾又得谷虛先生
廉吏石硯併前所藏而五是夏又愷移歸楓橋
舊居甫卸裝即謀藏書之所唯茲樓宜乃奉先
世手澤及古今載籍收藏惟謹名其樓曰五硯
屬予記之表氏四世五公著於東漢晉南渡後
門望亞於王謝吳中之表則自明嘉靖六俊以

文行相砥礪與三張四皇甫齊名迄今三百年
來詩禮之傳久而未替又愷承其父兄之緒益以
通經敦行孟晉匪懈凡先世遺跡流轉他姓者
輒重價購歸棄之斯樓生平篤好文史聚書數
萬卷多宋元舊槧及傳鈔祕本暇日坐樓中甲
乙校讎丹黃不去手予嘗論世少藏書之家藏
矣未必能讀讀矣未必能校能讀且校矣而或
矜已妒彼如許慈胡潛所爲亦未免通人譏議
獨又愷兼三美而無一病予心重焉其樓四面

五硯樓記

三

洞達迴出埃壒靈巖天平之紫翠望之如可摘
也支硎法螺之鐘磬招之若相答也前俯澄碧
旁植花木挹風土之清嘉屏絲管之嘈雜予蓋
嘗徘徊徙倚焉而不能去也列岫久廢今無能
指其所在者而硯尚存斯樓主賓文酒唱酬之
盛不減於曩時此吳中世族所難得者予所以
樂爲記也嘉慶戊午秋七月竹汀居士錢大昕

撰

貞節堂記

吳之楓橋西塘有貞節堂前閣學翁鴻臚爲
旌表節孝故奉直大夫表君側室韓孺人所署
名也堂外闌闔而內爽塏旁則引泉種樹左爲
竹柏樓後爲五硯樓皆節母獨居課子及子又
愷藏書讀書之地堂三間不崇不隘無磨礮雕
績之巧不佞與又愷相識晚恨不及升堂拜母
也又愷涕泣言母廿五而守節撫孤越十五年
而歿方四十時爲乾隆之四十六年子婦等引
時俗禮欲爲母以生日舉壽觴母舉古稱未亾

五硯樓記

四

人義卻勿御未幾母竟卒又愷痛母益甚徧乞
當世賢士夫爲文以顯母節行彙一帙命曰霜
哺遺音不佞時亦有母喪聞其言不自知其淚
涔涔不止也孝經稱揚名於後世以顯父母不
謂今之名位世之以科名官位達者不過奉告
身張燕會以爲親歡誇耀閭里愚婦孺甚則忘
身以及其親數典而忘其祖若是者一郡邑率
有數人其身榮其後無聞焉今節母卻壽觴不
欲自顯卒得

旌於朝又愷不汲汲求仕進以立身能文章名於世又推其孝思以及其祖藏先世書硯之屬以爲宗器使天下之士皆欲登其堂覩其先澤爲文以顯母之節行若是賢子孫海內千不得一焉誠有合於孝經所云立身行道者宜不以綠野晝錦之堂之易斯堂也嘉慶庚申秋九月陽湖孫星衍撰

竹柏樓記

入楓橋半里而近有小谿通胥江谿旁夾岸各

數百家岸西有老柏合抱修篁成林者爲袁氏竹柏樓竹柏樓者袁君廷禱之生母韓太孺人撫孤所居也余交袁君遲不及親見太孺人之行事然每過吳門士大夫必稱袁君學行其稱袁君學行也又必本諸袁君之母余已悚然異之繼於友人處識袁君又嘗一登袁君之堂則所爲漢學居五硯樓者藏昔人書硯甚富皆太孺人所留貽也又於梁棟閒讀太孺人庭誥家範輒諷誦不忍去袁君復泣告余曰太孺人之

教廷禱也凡廷禱一言一行之善太孺人必色喜獎成之獲交一端士聞人也亦然凡與廷禱問學相長者過從太孺人必親爲治具或有以緩急告者必傾橐以助之適力有不能則歛歔不怡者累日太孺人歿後廷禱承太孺人之志不改家以此中落嗚呼太孺人可謂賢矣余頃以罪謫戍伊犁不半歲蒙

恩赦歸甫抵安西卽允玉門令稽君承裕之請爲張烈女作傳今又得紀吾賢母行事往返三

萬里中甫得傳一烈女紀一賢母然後知貞固之操瑰奇之行在世間亦不能多得也凡作竹柏樓詩者共若干人而舊史氏洪亮吉爲之記時嘉慶五年小除前一日

紅蕙山房記

夫美善人之室揚君子之風者既比蘭崇又方蕙潔而況鄭家之艸書帶並抽江令之花彩豪同夢尤足資葩窟之奇賞藝林之雋談焉則有紅蕙山房者乃表君壽階讀書之所也樹籠四

面水得二分窗納遠而留煙榭凌虛而俯翠入
其室者須讀五千卷乞其牋者輒得九萬枚懷
德惟馨締歡彌古所菀紅蕙花一本溯清芬於
前哲通夙契於良朋讀廿五之騷魂招楚客吟
第三之篋帆下洞庭鞞長枝而帶抽轉緒風而
光入密葉隱其翠謔深叢粲其紅笑固知異色
而同此素心出山而不渝遠志者也於是命述
嘯侶比調合聲與香共紉含氣競吐纈丹霞於
秋佩鍊朱露於春房刻燭催成停觴賦罷玉山

頽而酒容發銅槃膩而蠟淚堆申旦忘疲高談
亦綺足以振餘芳於十步之內耀孤穎於百晦
之間此花與人並傳不沫矣僕草木之志讀而
不詳蓬蒿之居美將安樹懼看朱而成碧恐混
艾而爲荃乃蒙屢寄瑤箋兼呈麗製屬以一言
記之鳴玉鸞之啾啾是誠作者高余冠之岌岌
毋乃恧然藉代疏麻聊陳短引他日得爲羽之
翕或亦善爲蘭之湛乎是所幸已嘉慶辛酉秋
七月錢塘吳錫麒撰

漁隱小圃十六詠

表廷檇

楓江草堂

誅茅楓江上沿江構草堂夜鐘出古寺春水通
橫塘編籬便學圃不憚灌花忙

五硯樓

先澤在硯田經訓是菑畲灌溉茗穎發筆耕信
非虛開窗面平野樓中看荷鋤

吟暉亭

孤亭對初日幽砌露未稀離離見寸草融融樂

漁隱小圃十六詠

八

春暉低吟東野句零淚沾裳衣

夢草軒

一榻近池塘獨卧布衾底忽聞魚夜躍振觸披
衣起年年春草生謝夢今已矣

錦繡谷

藏春錦繡谷春深花始繁罌粟開且落芍藥階
前翻誰占十分春花風廿二番

銀籐籜

閣邊架小屋簷繞銀籐枝暮春花璀璨宛若珠

簾垂月色相掩映夜坐吹參差

水木清華榭

晴光泛秋水空籟振林木翠羽集復翔文魴戲
相逐臨流時抱邴得句在延目

洗硯池

舍後有清池池清可洗硯綠縠縐千層冰輪沈
一片風吹翰墨香青蓮生水面

繫舟

不泛五湖裏惟將書畫裝虛窗不受暑止水自

漁隱小圃十六詠

生光堂坳一杯滯寂寂綠楊傍

柳汜倚

柳汜水清淺橫石即為倚樹密鳥聲喧溪流花
影移前山有佳趣行歌復徻徻

小山叢桂館

叢桂發天香衆芳漸搖落築館山之幽高會此
酬酢不慕招隱士喜得文酒樂

芙蓉徑

木末搴芙蓉騷人寄幽思湘江秋露繁晚霞映

霜翠今傍野人廬遶逕增清媚

挹爽臺

青嶂立如屏蒼巖淨若埽雨過清覽觀雲開盪
懷抱橫琴曲未終飛鴻入晴昊

稻香廊

朔風吹寒雪四野田鋪玉長廊望農人白屋飯
蒸粟回憶稻香時辛苦胼手足

漢學居

古聖微言絕漢儒詒訓明仰止鄭北海禮堂集

漁隱小圃十六詠

其成我欲据祕逸何時慰平生

紅蕙山房

良友貽紅蕙山房易嘉名秋風始吐花色艷香
偏清蒼松今有伴發我思古情

蕙為鈕君非石所贈庭有四面

松乃小傳雲館故物

贈袁子壽階移居西塘序

余過大江南獲交二孝子焉皆節母之後能事
賢友仁以顯其親者一爲吳縣袁子壽階一爲
蕭山汪子龍莊龍莊少孤二母鞠之有成所居
建雙節堂遍求天下鉅公名士之詩若文至五
百餘家刊傳之行於世一時翕然稱其孝及壽
階刊有霜哺遺音出其卷帙之富不逮汪而詞
旨精美或過之霜哺遺音者壽階爲其母韓太
孺人苦節乞言之所哀而輯也余與壽階遊每

言及太孺人有悽然之色間出其先世手蹟自有明來如謝湖胥臺諸公之簡牘及當時名流記序志銘投贈之篇什積成若干冊彪彪麟麟侔於宗器歷數百年弗敢遺且日有增焉此又汪氏之所未逮者余初過吳閶壽階以竹柏樓記見屬時方有西湖之行未有以應比歸而壽階已移居楓橋西塘之舊廬乃與二三友人鼓棹而訪之問所謂竹柏樓者無恙也登其堂有鬱鬱葱葱之氣花木水石各備其勝遂相與談

移居西塘序

三

宴竟日於五硯樓下余惟古之人念手澤口澤之遺思其居處思其笑語終其身不忘其親用茲日慎一日克弗隕其令名方太孺人之在斯廬也孤燈熒熒形影相弔足不下竹柏樓者閱十有五年卒乃殉夫以遂其志匪第手口之澤而已也則壽階之眷眷於此也固宜且太孺人飲冰茹檠惟冀其子之成立以報所天耳壽階上承世德績學有聲乃能得賢士大夫之贈言以表其節以光於奕葉此太孺人之志也非太

孺人無以成壽階之賢非壽階無以彰太孺人之德誦昔人春暉寸草之詩其爲報也有令人油然生感者矣汪子以進士起家爲刺史有治聲其子又舉於鄉其進隆隆焉而未有已論者以爲節孝之報由是推之則表氏之積厚流光庶幾遲之久而愈大也是可以壽階之賢卜之也壽階有移居詩和者甚衆余獨感其不匱之思竊附於張老頌禱之義爲之序而贈之至太孺人懿行之全諸前輩具詳之不復贅嘉慶丁

移居西塘序

已秋七月既望楚南薌泉居士謝振定序

丁巳夏日移居楓橋西沿塘漁隱小圃偶

成七律四首

袁廷禱

路轉楓橋有敝廬竹林好卧復移居

與舍姪同居常

依喬木思餘蔭藉寄閒身讀古書開徑還宜栽
杞菊結鄰只合伴樵漁卻離闌闌囂塵斷門外
惟停長者車

童州曾於此釣遊手栽梅樹已成蚪將驚雪色
侵華鬢忍使光陰付逝流白石清泉非樂志寒

楓老桂易悲秋徘徊最是傷心處
午夜青燈竹柏樓

五硯樓頭日再登藏書萬卷盡籤
滕窗中遠岫青連幌檻外新禾翠
滿塍夜半鐘聲來月榭江干人語
雜漁燈林塘日涉生幽興漫詠田
園几獨凭

當年摩詰此棲遲壁上刊留絕妙
詞北海琴尊

誰繼美衡山圖畫尚遺思

園爲王丈盤溪故居王丈工畫師法文待

詔沈歸愚先生題曰小停雲館壁有西塘雅集詩先兄爲之刻石同袍不少羊

移居詩

西

求侶閉戶惟將許鄭師夙夜果能通
一藝傳家亦可愜心期

和作

王鳴盛

人外閑閑自結廬城居仍似沈尤居
身依蒙密啟隘地眼飽靈威唐述書
開徑百弓堪種菊鳴根一水不驚漁
蕭然圖作邨夫子家具何妨更少車

題襟載酒記前游壑道潛藏媚隱蚪
膠漆誼敦頻左顧人琴往事付東流
賴君念舊兼今雨招

我來過共聽秋指點壁間留墨處攀林蹋閣復
登樓

影交竹柏忍重登手澤長存緘與滕已廢詩篇
莪告瘁且安素業稻連塍江楓兩岸紛飛葉漁
火中流伴數燈料得幽居風景別虛廊曲几任
閒凭

汝南北海典型遲家法承來黜異詞隔巷偶將
羣藉借閉門惟把一經思已看風氣漫追古所
貴研摩自得師近局過從勞往返好來重與訂

移居詩

匡

深期

又

錢大昕

名山河必占匡廬竹柏依然舊日居門對招提
非學佛家鄰宛委易收書春雲澹送千巖黛夜
月閒吟一筴漁載酒往來無熱客不妨簿笨當
安車

峭蒨支硎近可遊瀑泉如布石如蚪探奇欲上
最高頂結伴都尋第一流安定醉鄉多日月立
方韻語即陽秋誰言五硯無多物大勝元龍百

尺樓

倚樓長嘯老孫登
甲乙圖書啟繡
滕學海量收
波萬頃心田腴
獲稻千塍曉窗
注易重研露夜
雨留賓共翦燈
我欲相從鈔善
本借君棊几一
閒凭

埽地焚香晷影遲
移居傳誦靜春
詞輞川曾入
王維畫塘草重
增謝客思入戶
山禽招作友參
天巖柏近堪師
半邨半郭真宜
隱開徑無忘二
仲期

移居詩

又

范來宗

水抱中和好結廬
移家也擬碩人居
光升海月開圖畫
色老江楓理冊書
供客盤殮欣近市
照人燈火聽呼漁
由來雅志耽高隱
未識翹翹招我車

愛賦閒居肯浪遊
龍鱗松老勢盤虯
情殷圖史千秋業
眼看江湖萬古流
霧豹隱藏深谷穩
隙駒棖觸小園秋
書淫左癖平生事
鎮日長吟更倚樓

刪除豪氣識陳登野景收來句滿勝披雨魚蠻
來荻浦課晴農父過花塍幽棲只合依三逕至
樂無如對一燈茶竈繩牀商位置畫闌曲處想
長凭

鐘聲夜半夢回遲能事推表製妙詞逸士清風
留爪跡尚書遺墨動予思調來猿鶴重逢主箋
到蟲魚盡可師佳日往來多勝侶知君不負歲
寒期

又

顧 莼

移居詩

結廬仍是愛吾廬郭外清幽足隱居檢點故園
添種樹安排小閣理藏書四時紅紫供詩酒一
室丹黃儘獵漁不是斯人高品望何來長者數
停車

人逐花香爛漫遊酒酣拇陣動潛蚪蘭亭此後
傳佳話桂楫相邀盡勝流大有遺風追六俊可
無明月共三秋醉來閣筆難成句崔灑已題黃

鶴樓

竹汀師先
有和韻詩

客爲看山約共登樓頭山色護書牕釣歸漁父

倚紅樹雨罷稻孫翻綠塍紫玉幾家瓊閣燕白
隄遙望畫船燈何如我輩蕭閒甚酒熱迎風曲
檻凭

流連佳景去遲遲壁上重吟絕妙詞雅願小山
追隱士誰憐春草識靈思談心屢轉銅壺漏屈
指重叅玉版師更有一番風景好豫儲新句與
君期

又

吳山錫

江邨曲水抱精廬靄靄停雲蔭舊居

君居舊爲
王岡齡小

移居詩

六

停雲
館

閉戶自耽隱士趣焚香靜對古人書半樓

殘月留詩客一笠秋風雜老漁見說西山山色
好尋幽更駕少游車

移家好挈阿咸游林外風生動碧蚪草秀池塘

懷舊夢韻題竹柏盡名流

竹柏樓
節處名公
太夫人守
卿題詠殆

遍
耽吟獨愛元暉句招隱偏宜桂樹秋杳杳鐘
聲敲夜半讀書燈影映高樓

百尺樓頭取次登琳瑯萬卷貯香騰嵐光入座
青如畫野色連空綠滿塍縹緲閒雲歸遠岫微

茫古寺露禪燈此間佳趣供詩興
衆曲闌干羨獨凭

賦性疎慵訪戴遲臨風先得誦新詞
名山自貯千秋業佳句真堪十日思
跡託園林成市隱學通秦漢亦吾師
今朝放棹西塘路可慰吳蒙夙昔期

又

許鑑

不慣塵囂久結廬江邨況有水雲居
無多料理前人地恰稱安排拄屋書
埽逕略培新竹石比

移居詩

阮

鄰先訪舊樵漁開軒場圃槐陰繞
正好來停問字車

到門疑入輞川遊松老參天欲化蚪
約略路紆三折坂簾櫳波浸一泓流
未開菡萏因添漲多種梧桐爲聽秋
雲護檐牙花護檻此中知是讀書樓

高樓攜客試同登插架牙籤半錦勝
几席翠流山作障桔槔聲歇雨過塍
地名五硯香留墨陰惜三餘夜剪鐙
想像新涼趁明月小闌人靜幾

回凭

笑儂蚊睫自棲遲敝帚千金也費詞

近日余葺斗室避暑

亦作移齋詩四首同人和之

勝境未能忘結習扁舟已足慰

相思尊看酒奉三杯約社待詩敲一字師

春間君有

小酌之約近復有詩社之訂

屈指小山叢桂放與君招隱正

為期

又

戈襄

曾道先人有敝廬移來恰稱子雲居入門先見

千竿竹計屋惟藏萬卷書謝眺詩常懷列岫魏

移居詩

三

舒家侶學為漁園亭勝事將如昔多卻人求第

七車

蓬島休為汗漫遊園居勝似駕青蚪主人原具

煙霞骨佳地須逢嵇阮流他日池塘常繫夢

有夢草軒此時松桂恰宜秋興來厭看楓江水收得

吳山盡入樓

倚嶽時來曲折登

謂外舅漁洲公在日

五年撰杖復垂騰

亭中玩桂常攀月樓上看山似布滕垂釣漸閒

臨水石題詩久冷讀書鐙如今堪把風流繼又

百八十五

許雲窗醉後憑

移家此日不嫌遲多費名流萬首詞時和移居詩者甚眾

翻借窺園明漢學偶將為圃寄詩思竹林集處

何須友與煥細諸內兄同居橘社開時便可師地近不妨

常就飲秋深日日是佳期

又

瞿中溶

人境無心更結廬烏衣重仍舊時居家鄰古寺

疑皈佛門對名山好著書儼與妻孥偕託隱何

妨兄弟盡呼漁令兄號漁洲地偏客少題凡鳥累我

移居詩

注

頻牽轂棘車

北郭聯吟記昔游盤溪釣叟此潛蚪東西舊住

機雲侶大小今同咸籍流月落詩成唐格律竹

深人在晉陽秋裔承六俊鍾風雅萬卷書藏五

硯樓

營成百尺傲陳登風繞雲編香滿騰筆下豔才

花四季窗前生意稻千塍草堂合訪名賢畫君家

先世有謝湖草堂圖楓火遙連書幌鐙羨煞清容先居士

看山鎮日曲闌凭

可年

汝南高卧日遲遲應有懷人感舊詞顧氏書自
空悵望惠家紅豆最相思推表今日傾羣雅宗
鄭他年溯老師謂錢官詹外舅好共黃山謝湖事後先
相望契襟期

丁巳夏日旅次知壽階二兄移居楓橋作
此以贈

鈕樹玉

三硯新增五硯樓了無拘束任夷猶青藜照夜
丹鉛遍白雪搗詞几案浮一榻定知容我設片
帆急欲傍東流江楓漁火殊今昔夜半鐘聲似

移居詩

三

舊不

壽階二兄移居於閭門外之西塘蓋歸其
故居也地本王岡齡先生小停雲館壽階
豫訂同人作桂香中劇飲八月十日折簡
來招欣然賦此即和移居詩原韻

李福

泉明結想返班廬新賦移居是舊居歲長十年
親種樹家添百卷手抄書亭高山遠朝來爽池
小橋低晚可漁莫向輞川臨粉本停雲今又集

雲車

看竹曾容恣快遊
初訪不值穿林漏點轉銅蚪歸家
已入青山夢佳約遙憑大火流
菊葉釀成千日酒
桂花香問幾分秋
詰朝勝事吾將與
踊踴重登百尺樓

移居詩

圃中扁聯

漁隱小圃
錢大昕隸書

山顏浮郭迴
黃易集八公山碑字

雲影到門幽

楓江草堂
顧光旭行書

訪舊草堂思拜母
洪亮吉篆書

即今詩筆定推袁

到此宛疑在濠濮
高夔草書

得閒便許友漁樵

五硯樓 劉墉行書

五公門第無雙士 孫星衍篆書

萬卷圖書百尺樓

述德齊靈運 夏文燾正書

登樓勝仲宣

紅蕙山房 程瑤田行書

丹萼敷榮來蕙畝 梁同書行書

國香旖旎繞山房

芳林幽意在 潘奕雋隸書

扁聯

清賞素心同

漢學居 段玉裁行書

其人如渾金璞玉 顧廣圻正書

得力在好學深思

小山叢桂館 管世昌正書舊扁

此事相推作賦好 段玉裁句錢坫篆書

何人得半讀書多

獨秀如君堪晚歲 顧莼正書

古香於我共秋心

語

吟暉亭 江聲篆書

高吟東野句 瞿中溶正書

長係北堂思

夢艸軒 潘奕雋隸書

池塘春草生幽夢 鈕樹玉正書

漁火江楓續夜吟

繫舟 王鳴盛行書

兼住陸舟張玉海 黃丕烈句李銳行書

滿裝書畫米南宮

扁聯

五

銀籐移 陳鴻壽行書

一間室有山林趣 錢大昕集楔帖字

異地人知放誕懷

水木清華榭 方燮草書

蘭風體芳素 伊秉綬隸書

林月性清高

錦繡谷 集文衡山字

稻香廊 集董思翁字

挹爽臺 集黃陶庵字

八十五

扁聯

嘉子文主成友
楓梧嘉氏刻



美

書